



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrissimi Viri Petri De Marca Archiepiscopi Parisiensis Dissertationvm De Concordia Sacerdotii Et Imperii, Sev De Libertatibvs Ecclesiæ Gallicanæ, Libri Octo

Marca, Pierre de

Parisiis, 1669

Viro Svperillvstri Petro Segviero Galliarvm Cancellario.

urn:nbn:de:hbz:466:1-15591



VIRO SVPERILLVSTRI
PETRO SEGVIERIO
GALLIARVM CANCELLARIO.



*PROVIDENTIA Dei factum arbitror, ILLUSTRIS-
SIME DOMINE, ut edendorum
librorum de concordia sacerdo-
tij & imperij, à viro pacis aman-
tissimo compositorum, captum
consilium fuerit eodem ferme tem-
pore quo dissociata est concordia Summi Pontificis &
Regis Christianissimi, quæ nuper interrupta fuit
fata concordia rarò sempiterna. Arduum enim est
eodem loco potentiam & concordiam esse. Qua-
propter bene cum rebus humanis agitur, quoties*

EPISTOLA.

mortalium aliquis ita compositus & temperatus invenitur ut pacem quàm bellum malit, & rationem inire non recuset retinendæ concordia inter Principes; procul à turbulentis veterum Britannorum moribus, qui pacis incommoda differentes, æquè discordiam prepositorum, æquè concordiam subiectis exitiosam esse aiebant. Immensum à seditiosa illa persuasione absfuit interpres hic pacis & concordia, cujus dissertationes de concordia sacerdotij & imperij sub felicibus tui nominis auspiciis in lucem nunc emittuntur, **VIR ILLUSTRIS**. Hic enim cum intelligeret breve esse confinium pacis & belli, ac vitari vix posse quin sacerdotij & imperij concordia interdum dissolvatur, arctissimis licet vinculis adstricta, ex eaque discordia necessario oriri perniciem cum magna reipublicæ calamitate conjunctam, omne studium omnemque industriam suam in id convertit ut modum monstraret quo res ad concordiam adducerentur, si cæco casu & volubilitate fortuna regnum & sacerdotium inter se committerentur; vel si statim revocari concordia non posset, rempublicam summa dignitate defendere liceret, ac tamen interim debita sedi apostolica reverentia non omitteretur. In quo argumento adeo feliciter versatus est ut facile deinceps futurum sit occurrere discordiis, habiturusque sit orbis Christianus remedia ante malorum experimentum. Cum autem decrevis-

EPISTOLA.

sem in publicum emittere hos libros, secundum quod ipse supremis sermonibus mandaverat, investigaremque sub quibus auspiciis eos prodire juberem, tu in primis occurristi, VIR SUMME, pluribus de causis, ac inter alias, quod illustrissimum Archiepiscopum Parisiensem, eorum auctorem, summa semper benevolentia profecutus sis viventem, memoriámque extincti sanctissime conserves. Sanè non institui heic laudare pietatem tuam, CANCELLARIE ILLUSTRISIME, ac singularem tuam reverentiam in sedem apostolicam, obsequium in Principem, aut fidem in rempublicam: quæ omnia in te adeo clara & illustria sunt ut prorsus inutile futurum sit si his diutius immorer, aut encomium tuum heic enarrare contendam. Illud tantum dicam, nemini potius dedicari posse hos libros quam viro harum rerum peritissimo, & cui ingenium sit natum ad alendam concordiam sacerdotij & imperij, atque adeo tibi eo quoque nomine in primis deberi. Neminem enim arbitror adeo peregrinum esse in historia nostri temporis ut nesciat magnam à te curam semper adhibitam ne quid de sacrorum religione minueretur, constantemque omnino fuisse adversus eorum audaciam qui Romani Pontificis auctoritatem deprimere tentarunt in variis occasionibus. Idem tamen Libertatis Ecclesie Gallicane, ut decebat summum Galliarum Cancellarium, propugnatorem acerrimum te semper prestitisti, mirabili temperamen-

EPISTOLA.

to inter invictam contradicendi libidinem & projectam adulationem, adeo ut quidam **LIBERTATIS SACERDOS** dici possis. Accipe igitur, **VIR AMPLISSIME**, munus hoc meum ea qua soles benevolentia; meque ingentium tuarum virtutum veneratorem cultoremque esse patere, qui nemini mortalium concedo in ea obsequij gloria.

Lutetiae Parisiorum, Kalendis Iunij,
anno MDCLXIII.

STEPH. BALVZIVS.